

**Nerisassat ilaannut akuutissat
Kalaallit Nunaanniit
annissassatut aalajangikkat
pillugit Kalaallit Nunaannut
ilitersuut
nr. xx, xx 2024-meersoq**

Indhold

Aallaqqaasiut	Fejl! Bogmærke er ikke defineret.
Maleruagassat atuuffeqarfigisaat	Fejl! Bogmærke er ikke defineret.
Isumasiuutit	Fejl! Bogmærke er ikke defineret.
Akuutissanik atuineq	Fejl! Bogmærke er ikke defineret.
Akuutissat akuerisaasut	6
Akuutissanut akuutissat akuerisaasut	7
Atortorissaarutitigut stof-it ikiuutit akuerisaasut	7

Aallaqqaasiut

Fødevarestyrelsen-ip Kalaallit Nunaanni uumasunik nakorsaqaarfimmi- aamma inuussutissalerinermik oqartussaaffeqarfimmi suliasat arlallit, ilaatillugu Kalaallit Nunaanniit annissassatut aalajangigaasut Kalaallit Nunaanni nerisassianut akuutissanik il.il. maleruagassiuineq isumagissavaa. Tamatumunnga atatillugu Aqutsisoqarfik, Kalaallit Nunaanni Namminersorlutik Oqartussat sinnerlugit oqartussaasutut inissisimavoq.

Ilitsersuut manna *Kalaallit Nunaanniit annissassatut aalajangikkat nerisassat ilaannut akuutissat pillugit Kalaallit Nunaannut nalunaarut tapersiutaassaaq*, maleruagassanillu paasiuminarsaassalluni. Nerisassanut Kalaallit Nunaanniit annissassatut aalajangigaasunut akuutissat sorliit atornegarsinnaanersut maleruagassanik aalajangerneqarpoq. Tamatuma saniatigut maleruagassat, nerisassani akuutissanik atuinnermut piumasaqaatinik aalajangersaapput. Maleruagassat, Den Europæiske Union-imi (EU-mi), maleruagassanut atuuttunut assingupput kisianni Kalaallit Nunaanni tunisassiarineqartunut nerisassanut tulluarsagaallutik.

Maleruagassat atuuffeqarfigisaat

§ 1. Nalunaarut manna tulliuttunik

- 1) aroma-nik, tangiiaatinik, enzym-inik aamma nerisassani akuutissanik,
- 2) nerisassani akuutissani akuutissanut, aamma
- 3) nerisassani atortorissaarutitigut ikiuutitut stof-inik, atuinnermut tunngavoq.

Imm. 2. Taamaallaat Kalaallit Nunaata iluani nioqqutissatut aalajangigaasunik nerisassianik tunisassiortunut nerisassiornermik suliffeqarfinnut nalunaarut atuutinnilaq.

Maleruagassat, Kalaallit Nunaanniit annissassatut aalajangikkanut nerisassanut akoorinernut atuupput. Akoorinerni, matuma ataqatigiinnerani ima paasineqassaaq aroma-t, tangiiaatit, enzym-it aamma akuutissat, akuutissani allani akuutissat aammalu atortorissaarutitigut ikiuutitut stof-it.

Taamaallaat Kalaallit Nunaata iluani nioqqutissatut aalajangigaasunik nerisassianik tunisassiortunut suliffeqarfinnut maleruagassat atuutinnigillat.

Isumasiuutit

§ 2. Nalunaarummi tulliuttut ima paasineqassapput:

1) Aroma (mamarsaat): Aromastof-i (mamarsaatitut stof-i), aromapræparat-i (mamarsaatitut atortussiatut piareersagaq), reaktionsaroma (akoorinermi mamarsaatinnigortartoq), røgaroma (pujorsunnitsoq mamarsaat), pujorsunnitsoq mamarsaat stof-i imaluunniit tamakkuninnga imminnut imaluunniit akuutissanik allanik imaluunniit nerisassanik akoorlugu akuugaq.

2) Tangiiaat: Arrorsaat, atortussiaqqaatinik (råstof-inik), nerisassanik imaluunniit tamakkua sananeqaataannik imaluunniit tunisassiat taamaattut akussaanik suliarinneqqaarnerup nalaani tangiiaanermi atornegartartoq aammalu peerneqartartoq kisianni siunertaanngitsumik innernerisinnaallugu kisianni atortorissaarutitigut

sinnikoqanngitsoorfiunngitsoq imaluunniit nerisassami imaluunniit nerisassap akussaani suliarinerani allannguutitut tunisassiannguutaasartog.

3) Arrorsaat: Stof-i sunaluunniit, nerisassanik arrortitsisinnaasoq, imaluunniit nerisassamut ilaasup, sananeqaataasa ilaat ilaatillugu nerisassap pineqartup iluaniittoq imaluunniit qaavaniittoq. stof-i mingutserisoq sunaluunniit.

4) Enzym-i: Tunisassiaq naasunit, uumasunit imaluunniit uumassusillit minnersaannit mikroorganisme-nit pilersinneqartartog imaluunniit sananeqartartog, ilaatillugu uumassusillit minnersaannik atuinikkut pullassiinikkut seernarsiinikkulluunniit pilersinneqartartog, aammalu

- 1) uumassuseqarnikkut sananeqaatit qisuariarnerannik aallartitsisinnaasumik enzym-imik ataatsimik arlalinnillu imaqarluni, aamma
- 2) nerisassanik sanaartornermi, suliarinneqqaarnermi, passussinermi, poortuinermi, assartuinermi imaluunniit toqqorsimatitsinermi ingerlariaqqinnerit arlaanni sorlermiluunniit atortorissaarutitigut siunertaqartumik nerisassanut akulerunneqartartog.

5) Pilerisaarineq: Tuniniaanissaq siunertaralugu nerisassanik tigumiaqarneq, ilaatillugit tuniniarnissaannut neqerooruteqarneq imaluunniit allatut nuussineq, ilaatillugu tunisaqarnermi immiini, aammalu periaatsit allat atorlugit nuussinermi immiini aamma siaruarterinermi akilernerqarnikkut imaluunniit akilernerqannginnikkut pisartog.

6) Akuutissaq: Stof-i sunaluunniit, inuussutissartaqarnera inuussutissartaqannginneraluunniit apeqqutaanani aamma atortorissaarutitigut siunertaqarluni piaarluni nerisassanut akuliunneqarpat, immiini nalinginnaasumik inuussutissatut nerineqarneq ajortog aammalu nerisassani akussatut ilisarnartutut nalinginnaasumik atornerqarneq ajortog, sanaartornermut, suliarinneqqaarnermut, passussinermut, poortuinermut, assartuinermut imaluunniit toqqorsimatitsinermut atatillugu tamatuma imaluunniit tamatuma perluuinik sanaat toqqaannartumik toqqaannangitsumilluunniit nerisassap pineqartup sananeqaataasa ilagilissagaat inernerippagu imaluunniit inernerissagaa ilimanaatilimmik naatsorsuutigineqarpat.

Taamaattoq tulluuttut akuutissatut isigineqanngillat:

- a) Monosaccharid-it, disaccharid-it imaluunniit oligosaccharid-it, aamma tungusunnilersitsisarnerat pissutigalugu atornerqartartut, nerisassat stof-inik tamakkuninnga imallit.
- b) Panertitaappata imaluunniit kinersagaappata, ilaatillugit mamarsaatit, mamarsaatisunninneri, mamassusaa imaluunniit inuussutissartaqassusaat aammalu sallerpaatingikkaluarlugu qalipaasiisarnerat pissutigalugit nerisassanik katitikkalik sananerup nalaani akuliunneqartartut nerisassat.
- c) Nerisassanut ilaatinneqanngitsut qalliutini- aamma matussutissani atortussiani atornerqartartut taakkunungalu ilanngullugit nerineqarnissaannut aalajangigaanngitsut stof-it.
- d) Syre-mik kimikillissakkamik passussinikkut kingornagullu ilaannakuusumik natriumelle-nik kalium-imik taratsunik («pectin-inik imerpalasunik») sunniutaarutsitat, iipilit imaluunniit citrus-it paarnartaasa imaluunniit kvæde-t qalipakuinik imaluunniit tamakkua akornerinik panertitat naqittaannerinik sinnikuinik piiakkat, tunisassiat pectin-itallit.
- e) Tikkikummiassat (Tyggegummibaser).
- f) Dextrin-i qaqortoq imaluunniit sungaartoq, kinersaat ikuallataq imaluunniit dextrinere-gaq, syre-mik imaluunniit alkali-mik passullugu allanngortitaq kinersaat, kinersaat qarsorsagaq, timaatigut allanngortitaq kinersaat aammalu amyolytiske enzyme-nik passutaq kinersaat.
- g) Ammoniumchlorid-i.
- h) Aap plasma-taa, gelatine (nerisassanut nipititsissut), proteinhydrolysat-it tamakkualu tarajui, immuup protein-ii aamma gluten-i.
- i) Andre aminosyrer end glutaminsyre-mit, glycin-imit, cystein-imit aamma cystin-imit allaanerusut aminosyre-t kiisalu, atortorissaarutitigut atuuteqanngitsut syre-nit taamaattunit taratsut.
- j) Kaseinat-it aamma kasein-i.
- k) Lnulin-i.

7) Atortorissaarutitigut stof-it ikiutit: stof-i sunaluunniit, passussinerup imaluunniit suliarinneqqaarnerup nalaani, atortorissaarutitigut siunertamik aalajangersimasumik naammassinninniarluni atortussiaqqaatinik (råstof-inik),

nerisassanik imaluunniit tamakkua akuinik suliarinneqqaarnermi piaaralugu atornerqartartoq immi neriassatut nerineqarneq ajortoq, tunisassiami naammassisami siunertaanngitsumik peqartarsinnaaneraniq innerneqarsinnaasoq kisianni atortorissaarutitigut stof-ip tamatuma imaluunniit sannaasa ilaanik sinnikoqarsinnaaneraniq pinngitsoortinneqarsinnaanngitsoq tamakkua stof-it sinnikui peqqissutsimut ulorianartorsiortitsinnginnissaat tunisassiallu naammassineranut atortorissaarutitigut sunniuteqannginnissaa piumasaqaataalluni.

8) Naammattumit annertunerunngitsoq: Pissutsit imaatsillugit, annerpaaffiliussatut killigitamik aalajangiisoqarsimatinnagu aammalu innerneq kissaatigisaasoq anguniarlugu taamaalillunilu atuisartut salloqittagaatinnagit, pisariaqartitamit annertunerunngitsumik annertussuseqartillugit sanaartornermilu ileqqut pitsaasut naapertorlugit, akuutissat atornerqartassapput.

Mamarsaat tulluuttunik sananeqaateqarsinnaavoq:

- Stof-it mamarsaatit (kemi-mik isumasiusorsorluakkat)
- Atortussiat mamarsaatitut piareersakkat (assersuutigalugu akuukkat imaluunniit naatitanit tangiakkat)
- Akoorinermi mamarsaatinngortartoq (assersuutigalugu bouillon-imik kipparissuliat akui)
- Pujorsunnitsut mamarsaatit

Mamarsaat amerlasuutigut 10-niit 100-junut stof-inik mamarsaatinik imaluunniit mamarsaatitut atortussianik piareersakkanik katitigaasarpog, stof-illu imaluunniit mamarsaatitut atortussianik piareersakkat ataasiakkaat akornanni akuleriiaakkat annertussusilersugaanerat mamaqalersitsisarluni imaluunniit tipeqalersitsisarluni.

Ad 4) Enzymit tassaapput protein-it ingerlatsinermik aallarnisaataasartut, tassa imaappog, kemi-mik qisuariarnernik assigiinngitsunik amerlasuunik sukkatsisaasartut, inuullu timaani aammalumi pinngortitami ingerlatani amerlaqisuni ilaasartut.

Enzym-it atortussianiit pinngortitaniittuniit imaluunniit uumassusillit minnersaanniit, atugassarititaasut aalajangersimaqqissaartut iluanni naatinneqartartuniit eqqiaanikkut piarneqarsinnaapput. Enzym-it uumassusillit minnersaannik sananeqaataasigut allanngukkanik, enzym-imik aalajangersimaqqissaartumik annertoorsuannngorlugit sanaartortussanik ilusilersukkanik atortoqarluni sanaartorneqarsinnaapput. Tamakku sananeqaataasigut allanngortitikkat atortussiat, enzym-imik eqqiaanerup kingorna iginneqartarput, enzym-ilu sananeqaatimini allanngortitanik atortussianik imaqqassanngilaq.

Ad 6) Akuutissaq pillugu ima paasineqassaaq, stof-i immi neriassaanngitsoq kisianni atortorissaarutitigut siunertalimmik neriassap asiuaassusia, qalipaataa, pissusaa il.il. sunnarniarlugit akuliunneqartartoq. Akuutissaq inummit sanaartorneqarsinnaavoq, aammalu naasunit, uumasunit, aatsitassanit imaluunniit uumassusillit minnersaannit sanaartorneqarsinnaalluni.

Nalunaarummi allattugaasut akuutissat pillugit, naammattumik ilisimatuussutsikkut misissuisoqarpoq, peqqissuseq eqqarsaatigalugu stof-ip atornissaanut eqqarsarnartoqannginneraniq ersersitsisumik. Atortorissaarutitigut pisariaqartitsinermik annertussusilimmik taamaallaat akuutissat atoqqusaapput.

Akuutissat tamarmik E-normuligaapput, stof-i aarlerinaatinut nalilersugaanerannik ersersitsisumik, EU-milu atugaanissaannut akuersissutaasumik. E-normu taannarpiaq, Kalaallit Nunaannut atuuttumik akuutissat akuerisaasut suussusersinissaannut atugaavoq.

Taamatuttaaq akuutissat tamarmik, stof-it peqqissutsimut ajornartorsiutitaqanngivissutut naliligaanngippata, ADI-mik (Acceptabelt Dagligt Indtag (akuerisaasumik ullormut iiorarsinnaasamik)) naliligaapput. ADI-mik naliligitaaq, peqqissutsimut kingunipiloqaataanngitsumik timip kg.-mut

oqimaassusaanut naleqqiullugu ullut tamaasa stof-imik qanoq annertutigisumik sapigaqannginneranut ersiutaavoq.

Nerisassami akuutissanut killigititanik aalajangersaasoqaraangat ADI-mik naliligititaq atorineqartarpoq, akuutissat peqqissutsimut ajornartorsiortitsisinnaannginnissaat qulakkeerneqarsinnaanngorlugu. ADI-mik naliligititaq ilisimatuussutsikkut, assersuutigalugu uumasunik misileraateqarneq paasissutissat tunuliaqutaralugit aalajangersarneqartarpoq.

Ad 7) Atortorissaarutitigut stof-it ikiutit stof-iupput, nerisassamik tunisassiarinninnerup nalaani, atortorissaarutitigut aalajangersimasumik pisariaqartitamik naammassinninniarnermut atorineqartartut. Taamaallit atortorissaarutitigut stof-it nerisassami naammasseriikkami atortorissaarutitigut atuuteqaqqusaanngillat, kisianni taamaallaat tunisassiornerup nalaani atortorissaarutitigut atuuteqassallutik.

Tassaavoq stof-ip atuutaa taamalu stof-i namminiunngitsoq, atortorissaarutitigut stof-i ikiuutaanersuuneranut aalajangiisusooq. Piviusumik naliliinermik tamanna tunngaveqartuaannartariaqarpoq. Amerlanertigut, atortorissaarutitigut stof-i ikiutitut imaluunniit akuutissat stof-i atorineqarnerisooq nalilerniarlugu naliliissutinik arlalinnik isiginiagaqartarnissaq pisariaqartassaaq.

Atortorissaarutitigut ikiutitut stof-imik atuineri, tulluuttut apeqqutit apeqqutigineqartarnissaat pissusissamisoortassaaq:

- ***Suliarinninnerup sortaani qaqugukkullu stof-i akulerunneqartassava?*** (Tunisassiornerup ingerlanneqarnerata naggataa tungaani stof-i akulerunneqarpat, tunisassiornerup ingerlanneqarneranut tapersiutitut akulerunneqartarnersooq apeqquserneqartarsinnaavoq)
Stof-ip akulerunneqarneranut suna siunertaava? (sooq akulerunneqartarnersooq, ilaatillugu stof-ip suliap ingerlanneqarneranut sunniutaata aammalu stof-i atorineqarsimanngitsuuppat qanoq allannguutaasimanissaanut, nassuiaataa)
Inaarutaasumut nerisassiamut stof-i sunniuteqarpa? (Stof-it ilaasa sanaartornermik ingerlatamut sunniisinaapput tamatumunngalu peqatigitillugu tunisassiap naammassineranut atortorissaarutitigut atuuteqarlutik)
Stof-i sorleq atortorissaarutitigut stof-itut ikiutitut atorineqarpa? (Akuutissaq atortorissaarutitigut stof-itut ikiutitut atorineqartoq, qularnanngitsumik aammattaq inaarutaasumik tunisassiamut atuuteqassaaq. Taamaattoq suliffeqarfiup allakkiatut uppersaataani, stof-i taamaallaat sanaartuinerup ingerlanneqarnerani sunniuteqartoq ersersinneqarpoq)
- ***Stof-ip taamaallaat sanaartornermik ingerlatsineq aammalu tunisassiap inaarutiginnigisaa sunniuteqarfigigaa, suliffeqarfik sunik allakkianik uppersaataateqarpa?***

Nerisassamik tunisassiarortoq taannaavoq stof-ip atortorissaarutitigut ikiutitut stof-iuneranik allakkiatut uppersaasiisusaaq.

Akuutissanik atuineq

§ 3. Taamaallaat mamarsaatit, tangiaatit, enzym-it aamma akuutissat, nalunaarummut matumunnga ilanngussami allattugaataasut, ilanngussami pineqartumi allassimasunut, piumasaqaataasut eqqaaneqartut iluanni, nerisassat immikkoortitigaanerit kategori-ivinit atorineqaqqusaapput.

Maleruagassat atuuttut naapertorlugit Kalaallit Nunaanniit annissassatut aalajangigaasuni nerisassani mamarsaatit, enzym-it aamma tangiaatit atussallugit inerteqqutaammat eqqumaffigisassaavoq. Nalunaarummut ilanngussami allattugaasut stof-inik taamaallaat atuisoqaqqusaavoq.

Nerisassiornermik suliffeqarfiup kissaatiguniuk, tunisassiornermini mamarsaatinik, enzym-inik aamma tangiaatinik atuinissaq, suliffeqarfik Namminersorlutik Oqartussanut imaluunniit Fødevarestyrelsen-imut saaffiginnissaaq. Taava Fødevarestyrelsen-i atuinissaq akuerineqarsinnaanersoq nalilersuissaaq, taamaattoqarpallu pineqartumut nerisassat immikkoortitigaanerannut arlalinnuunniit stof-imik pineqartumik atuinissamut inatsisitigut tunngavissiisumik maleruagassanik qaammarsaatiginnissalluni.

Akuutissat akuerisaasut

§ 4. § 3 naapertorlugu, akuutissat taamaallaat ilanngussami 1-imi allattugaasut, nerisassani atorineqaqqusaapput.

Imm. 2. Akuutissat taamaallaat nerisassani atorineqaqqusaapput

- 1) ilanngussami 2-mi eqqaaneqartut siunertaralugit
- 2) sanaartornermi ileqqut pitsaasut naapertorlugit, aamma
- 3) ilanngussaq 3-mi aalajangersarneqartut suussutsimut aamma akuissutsimut piumasagaataasut naammassisimasariaqarpaat.

Imm. 3. Allamik allassimasoqanngippat, akuutissanut annerpaaffiliussatut naligitat, nerisassamut pilerisaarusiugaasumut atuupput.

Imm. 4. Naammattumik annertunerunngitsumik najoqqutassiaq malillugu nerisassanut akulerunneqarsinnaasunik akuutissanik atuinermi, akuutissanik ataasiakkaanik atuinissamut pisariaqartitat annertussusaannik nerisassiornermik suliffeqarfiup nalunaarusiarinnaasariaqpaa.

Nerisassiornermik suliffeqarfik taamaallaat nalunaarummi ilanngussami 1-mi atuarneqarsinaasunik piumasagaatinik allassimasunik aammalu ilanngussami 2-mi allassimasunik siunertanut akuutissanik atueqqusaavoq.

Tamatuma saniatigut akuutissat sanaartornermi ileqqut pitsaasut naapertorlugit taamaallaat atorineqaqqusaapput.

Nerisassiornermi pilersitsiortornermi ileqqut pitsaasut ima paasineqassaaq, ilaatigut illit tunisassiavit pitsaassusaat qulakkiissagakkat nakkutigalugillu. Aammattaaq akuutissanik atuinermi, innerneq kissaatigisaq anguniarlugu pisariaqartumiit annertunerunngitsumik akoorinissannik taamaalillunilu atuisunik paatsoorsaarinninnissamik isumaqarpoq.

Allamik allassimasoqanngippat, ilanngussaq 1-imi akuutissanut annerpaaffiliussatut killigitatut naligitat pilerisaarusiarineqarnerisigut nerisassanut atuupput. Akuutissat ilaannut annerpaaffiliussatut killigitatut naligitat, akulerunneqartup annertussusaattut allanneqarsimasinnaavoq. Taamaattoq stof-inut, massakkuugallartoq nalunaarummut ilanngussami 1-imi akuerisaasunut atuutinngilaq. Matumani pilerisaarutigineqarneratut nerisassami stof-imut annerpaaffiliussatut killigitatut naligitatq tamatigut atuuppoq.



Akuutissani akuutissat akuerisaasut

§ 5. Nerisassami akuutissamik akusiffiusimasumi akuutissartaqassuseq akuerisaavog, ilanngussaq 4 naapertorlugu, kivitsissutaasog aqqutigalugu akuutissaq nerisassamut pisimappat aammalu nerisassiamut ineriikkamut atortorissaarutitigut atuuteqanngippat.

Imm. 2. Akuutissamiittoq akuutissaq nerisassamut akulerunneqarsimappat aammalu nerisassamut pineqartumut atortorissaarutitigut atuuteqarluni, nerisassami pineqartumi akuutissatut isigineqassaaq, taamalu akuutissami akuliunneqarsimasutut akuutissatuunngitsoq, taamaattumillu nerisassamut pineqartumut atornissaanut piumasaqaatit malittarisassiuussanut naapertuutissalluni.

Imm. 3. Taanna nerisassaq katitigaasog nalunaarummik matuminnga malinnissasog piumasaqaataalluni, taamaallaat nerisassani katitigaasunik sanaartornissamut aalajangigaasumi (reverse carryover), nerisassami akuutissartaqassuseq akuerisaavog.

Akuugaassutsiniit nerisassamut katitigaasumut akuutissanik nuussisoqarsinnaavog. Aammattaaq akuutissatut atukkanut akuutissaniit nerisassamut katitigaasumut nuussisoqarsinnaavog. Taamaattoq nuussisarnermut najoqqutassiamut piumasaqaatinik arlalinnik atuuttoqarpoq.

Nuussinermik najoqqutassiaq isumaqarpoq, stof-i, nerisassami katitigaasumi, akuugaassutsimi ataatsimi akuerisaappat, aammattaaq nerisassami katitigaasumi akuerisaasimassaaq.

Manna nuussissutitut atuuppoq, akuutissaq nerisassami katitigaasumi naammasseriikkami atuuffeqarpat, taava akuutissaq tunisassiap akuugaassusiitut allattuiffimmi nalunaarneqassaaq.

Akuutissaq akuutissamiissinnaasutut akuerisaappat aammalu taanna akuutissakoorluni nerisassamut pisimappat, nuussissutit pillugit maleruagassat aammattaaq nerisassamut, akuutissamik akuleruussiffiusumut atuupput.

Taamaattoq akuutissaq nerisassami naammasseriikkami atuuteqaqqusaanngilaq. Akuutissamiittoq akuutissaq nerisassamut akulerunneqarsimappat nerisassamullu pineqartumut atortorissaarutitigut atuuteqarluni, nerisassami pineqartumi akuutissatut isigineqassaaq. Taamaattoqarpat akuerisaasimasariaqarpoq atuinnermullu piumasaqaatit naapertorlugit atorineqassalluni.

Killormoortumik nuussissut isumaqarpoq, akuutissaq, taamaallaat nerisassanut katitigaasunut sanaartuinissamut aalajangigaasog, nerisassami imaluunniit akuugaassutsimi akuerisaasog, akuutissaq, nerisassami katitigaasumi naammasseriikkami akuerisaasasog piumasaqaataalluni.

Tamatuma isumaqatigaa, nerisassamut imaluunniit akuugaassutsimut pineqartumut akuutissaq nalunaarummi allassimanngikkaluarpalluunniit "akunnermiliullugu tunisassiaagallartumut" akulerunnissaa akuerisaasinnaasog, nerisassaq/akuugaassuseq tunisassiami katitigaasumi naammasseriikkami akuutissap akuerisaaffigisaani nerisassami katitikkami ilaasussaammat. Taanna akunnermiliullugu tunisassiaagallartoq, nerisassami katitigaasumi ilaasutut ilaassaaq.

Atortorissaarutitigut stof-it ikiuutaasut akuerisaasut

§ 6. Atortorissaarutitigut stof-it ikiuutaasut, stof-it aamma atuineq peqqissutsimut illersorneqarsinnaappat, nerisassani atorineqarsinnaapput.

Atortorissaarutitigut stof-it ikiuutaasut, stof-it aamma atuineq peqqissutsimut illersorneqarsinnaappat, nerisassani atorineqarsinnaapput.

Tamanna isumaqarpoq, stof-imik atuinissaq isumannaatsuussasq aammalu atortorissaarutitigut pinngitsoortinneqarsinnaanngitsunik sinnikunik peqqissutsimut ulorianartorsiornartoqassanngitsoq.

Fødevarestyrelsen-i oqartussaasutut, atortorissaarutitigut stof-i ikiuutaasq atussallugu peqqissutsimut illersorneqarsinnaanerani uppersaasiatut allakkianik noqqaassuteqarsinnaavoq. Nerisassanik tunisassioq uppersaasiatut allakkianik saqqummiussissalluni akisussaaffigaa. Siunertamut naleqqutinngitsunik aammalu peqqissutsimut ajoqutaasunik sinnikoqalersitsisannginneranik ersersitsisumik uppersaasiatut allakkiaq aarlerinaatinik naliliinerusinnaavoq imaluunniit allatut ilisimatuussutsikkut uppersaasiatut allakkiaasinnaalluni.